

Nenia pruvo estis eltrovita pri supozataj atakoj kontra? usonaj diplomatoj



Va?ingtono, 9 jan(RHK) La usona esplorburoo (FBI) ne eltrovis pruvojn pri la supozataj “sonatakoj” kontra? la diplomatoj akredititaj en Havano, post pluraj monatoj de esploroj kaj 4 vizitoj al Kubo, sciigis la Associated Press(AP).

La usona agentejo havis aliron al interna raporto de la Divizio de Operacioj Teknologiaj de la FBI, de la 4-a de januaro, kiu ankora? ne estis diskonigita.

“La FBI pritraktis la hipotezon ke a?deblaj ondoj, infrasonaj a? ultrasonaj povintus esti uzitaj ka?e por vundi usonanojn en Kubo kaj ne eltrovis iajn pruvojn pri tio”, raportas la AP.

La konkludoj de la usonaj esploristoj kongruas kun tiuj de la Komitato de Kubaj Spertuloj, kiu gvidis detalan esploradon pri la supozataj incidentoj, la? indiko de la kuba registaro.

Dekomence, la kubaj a?toritatuloj emfazis ke neniam oni permesis nek permesos ke la kuba teritorio estu uzata por ajna agado kontra? diplomatoj en Kubo nek kontra? ties familianoj, senescepte.

Spite al la malmulta klareco en tiu ĉi kazo, Vaŝingtono decidis unuflanke retiri grandan parton de siaj diplomatoj el Kubo, tiel haltigante la procezon de vizoj en Havano, kaj samtempe postulis retiriĝon de 17 kubaj funkciuloj el Usono.

Oni esperas ke hodiaŭ okazu aŭdienco pri la temo en la Kongreso, gvidata de la senatano de Florido, Marco Rubio, kiu klopodas manipuli la kazon por malmunti la avancojn atingitajn en la reciprokaj rilatoj.

Aliflanke, la senatano respublikana Jeff Flake asertis en Havano pasintsabate, ke ne ekzistas motivoj por dubi pri la sinteno de la kuba registaro, kaj aldonis ke la raportoj al kiuj li sukcesis aliri, malhavas pruvojn pri la enmiksiĝo de la insulaj aŭtoritatoj.

<https://www.radiohc.cu/eo/noticias/nacionales/152177-nenia-pruvo-estis-eltrovita-pri-supozataj-atakoj-kontrau-usonaj-diplomatoj>



Radio Habana Cuba